



Grad Sarajevo
City of Sarajevo

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
GRADSKO VIJEĆE

ODLUKA
o sufinansiranju kulturne manifestacije od posebnog interesa za Grad Sarajevo
7. Festival dječije umjetnosti „FEDU 2021“
(prijedlog)

Predlagač: Gradonačelnica
Obrađivač: Gradska služba za obrazovanje,
kulturu, sport i mlade

Sarajevo, juni 2021. godine

Adresa: Hamdije Kreševljakovića 3
71000 Sarajevo, BiH
Tel: +387 33 216 659
Fax: +387 33 205 874
Email: gsgv@sarajevo.ba
Web: gradskovijece.sarajevo.ba



Na osnovu člana 26. stav 1. tačka 2. Statuta Grada Sarajeva („Službene novine Kantona Sarajevo“, broj 34/08 – prečišćeni tekst) te člana 6. Odluke o utvrđivanju i načinu sufinansiranja kulturnih manifestacija od posebnog interesa za Grad Sarajevo („Službene novine Kantona Sarajevo“, broj 10/19), Gradsko vijeće Grada Sarajeva, na sjednici od __. __. 2021. godine, donosi:

(prijedlog)

O D L U K U

o sufinansiranju kulturne manifestacije od posebnog interesa za Grad Sarajevo 7. Festival dječije umjetnosti „FEDU 2021“

Član 1.

Ovom Odlukom Gradsko vijeće Grada Sarajeva učestvuje u sufinansiranju kulturne manifestacije od posebnog interesa za Grad Sarajevo, 7. Festival dječije umjetnosti „FEDU 2021“, koja je održana u terminu 03. – 07.05.2021. godine, uz finansijske obaveze Grada Sarajeva u ukupnom iznosu od 9.000,00 KM.

Član 2.

Sredstva iz člana 1. Odluke namjenski se usmjeravaju za sufinansiranje troškova organizacije manifestacije.

Član 3.

Sredstva se odobravaju iz Budžeta Grada Sarajeva za 2021. godinu („Službene novine Kantona Sarajevo“, broj 2/21), sa pozicije 614100: Tekući grantovi drugim nivoima: Projekti u oblasti kulture: Primjena Odluke o finansiranju kulturnih manifestacija od interesa za grad.

Član 4.

Gradonačelnica Grada Sarajeva će sa organizatorom manifestacije zaključiti poseban Ugovor kojim će se regulisati međusobna prava i obaveze.

Član 5.

Za realizaciju ove Odluke zadužuje se gradonačelnica Grada Sarajeva.

Član 6.

Odluka stupa na snagu narednog dana od dana objavljivanja u „Službenim novinama Kantona Sarajevo.

**PREDSJEDAVAJUĆI GRADSKOG VIJEĆA
GRADA SARAJEVA**

Jasmin Ademović

**Broj:
Sarajevo, __. __. 2021. godine**

OBRAZLOŽENJE

PRAVNI OSNOV

Pravni osnov za donošenje Odluke sadržan je u članu 26. stav 1. tačka 2. Statuta Grada Sarajeva, kojim je propisano da Gradsko vijeće donosi odluke, druge propise i opće akte i daje njihovo tumačenje, te u članu 6. Odluke o utvrđivanju i načinu sufinansiranja kulturnih manifestacija od posebnog interesa za Grad Sarajevo, kojim je, između ostalog, propisano da konačnu Odluku o sufinansiranju kulturnih manifestacija donosi Gradsko vijeće Grada Sarajeva.

RAZLOZI DONOŠENJA

Udruženje za promociju kulture „Fani“ Sarajevo uputilo je Gradskoj upravi Grada Sarajeva zahtjev za sufinansiranje manifestacije „7. Festival dječije umjetnosti FEDU 2021“, zaprimljen pod brojem 09-11-3126/21 od 25.05.2021. godine, koja će održala u periodu od 03. – 07.05.2021. godine. Uz zahtjev za sufinansiranje manifestacije, dostavljen je program, specifikacija troškova neophodnih za realizaciju te druga potrebna dokumentacija. Navedeni iznos visine sredstava planiran je sufinansiranje troškova organizacije manifestacije.

Gradska služba za obrazovanje, kulturu, sport i mlade je u skladu sa članom 6. Odluke o utvrđivanju i sufinansiranju kulturnih manifestacija od posebnog interesa za Grad Sarajevo, razmotrila program manifestacije te je cijeneći kvalitet i značaj predmetne manifestacije, svoje stavove i mišljenje dostavila Savjetu za kulturu.

Savjet za kulturu je na sjednici od 23.06.2021. godine, razmotrio prijedlog nadležne Službe te shodno valjanosti, značaju i kvalitetu ponuđenog programa, svoje mišljenje, kao i prijedlog visine sredstava uputio na daljnju proceduru.

Festival dječije umjetnosti FEDU prvi je internacionalni umjetnički takmičarski festival u BiH i regionu i jedinstvena je prilika za afirmaciju književnosti, muzike, pozorišne i likovne umjetnosti za djecu i mlade, ali i ostalih vrijednosti koje iz toga proizilaze. Program 7. Festivala dječije umjetnosti „FEDU 2021“ održan je jednim dijelom u online formatu tj. održana su četiri programa uživo, dvije teatarske predstave, izložba i književni karavan. Produkcija cjelokupnog programa je realizovana na više lokaliteta, u četiri kategorije: književnost, teatar, muzika i slikarstvo. U okviru Festivala prikazano je 10 predstava iz regiona (najboljih po ocjeni selektora) i četiri koje su produkt školskih dramskih sekcija u FBiH. Festival je dodijelio i nagrade AIDIN MASLAČAK za najbolju predstavu, književno djelo afirmisanih pisaca, književno djelo talentovanih učenika te nagrade za dosege u likovnoj i muzičkoj umjetnosti. Realizacijom ovog projekta, između ostalog, doprinosi se afirmaciji umjetnosti za djecu i mlade, a značajno je istaći da svake godine programe prati veliki broj gledalaca.

Shodno iznesenom te cijeneći značaj ovakvog događaja za grad Sarajevo, Gradsko vijeće Grada Sarajeva je shodno Odluci o utvrđivanju i načinu sufinansiranja kulturnih manifestacija od posebnog interesa za Grad Sarajevo, donijelo ovu Odluku.

FINANSIJSKA SREDSTVA

Finansijska sredstva za realizaciju ove Odluke obezbijedena su u Budžetu Grada Sarajeva za 2021. godinu.